

Til Olje- og energidepartementet

Høyringsuttale nasjonal ramme for vindkraft – delområda Sunnmøre og Nordfjord, Sunnfjord og Sogn, Nordhordland og Gulen

Raudt Sogn og Fjordane sende 15.10.2018 inn høyringsuttale til NVE om nasjonal ramme for vindkraft på land, og der vi tydeleg går mot all ny utbygging av vindkraft i Noreg.

NVE har no sendt ut eit høyringsforslag over dei mest eigna områda for vindkraft på land.

Vi ser ikkje at det kunnskapsgrunnlaget og den dokumentasjonen som no ligg føre, endrar vårt standpunkt, og vi held framleis fast på at vi er mot all ny utbygging av vindkraft i Noreg.

Det er ein veksande motstand også blant vanlege folk og lokalpolitikarar når det gjeld å bandleggje store landområde til vindkraft. Det er snakk om til dels store naturinngrep, med breie tilførselsvegar og store installasjonar, og desse vil vere svært synlege over store område.

I tillegg til at dette kjem i konflikt med friluftsinnteresser og allemannsretten til å ferdast i naturen, vil det også få til dels store konsekvensar for lokalt dyre- og fugleliv, noko som også blir omtalt i saksutgreiinga.

Utbygging av vindkraft kan også få negativ innverknad på det lokale reiselivet. Det blir m.a. stilt spørsmål ved om vegen over Gaularfjellet vil kunne miste status som nasjonal turistveg.

Ut frå erfaring med eksisterande vindkraftverk, fryktar vi at desse kan bli oppkjøpte av utanlandsk kapital. Med fleire kraftkablar til utlandet, vil dette presse opp prisen på kraft og dermed skape problem for kraftkrevjande industri her i landet.

Avslutningsvis meiner Raudt at dei kommunane det gjeld, må ha eit overordna ansvar for eiga arealdisponering og må kunne seie nei til vindkraftutbygging i kommunen.

Raudt Sogn og Fjordane


Ingunn Kandal, distriktsleiar